

**DEKRETU LEI N.º 16 /2009
de 18 de Marsu**

**REJIME PROMOSAUN
POLÍSIANASIONAL TIMOR-LESTE
NIAN**

Konstituisaun Repúblika Demokrátika Timor Leste nian, fô responsabilidade ba Polisia Nasionál Timor-Leste atu defende legalidade no garante seguransa interna sidadaun sira nian.

Lei agora daudaun nian sei harii no reforsa espíritu PNTL nian nu'udar instituisaun autónoma ne'ebé sei expresa natureza spesífiku Forsa Seguransa ne'ebé iha natureza funsaun públiku nian. Sei harii mós kondisaun favoravel (di'ak) hodi rasonaliza jestaun pesoál nian no karreira ida-idak nian, ne'ebé sei hatudu aumentu ba efikásia no efisiénsia PNTL nian bainhira sira hala'ó sira nia responsabilidade.

Ho konsiderasaun ba situaun agora daudaun nian iha PNTL, nesesáriu katak iha períodu tranzisaun ida hodi akompaña promosaun ho formasaun no períodu hodi bele halo adaptaun.

Lei Orgánika Polisia Nasionál Timor-Leste; ne'ebé aprova liuhusi Dekretu Lei No. 9/2009 iha loron 18 fulan Fevereiru, preve iha Artigu 42 katak Rejime Karreira no Promosaun sei regula liuhusi nia diploma rasik.

Nune'e Governu Dekreta tuir aliña d) husi artigu 116º Konstituisaun Repúblika nian katak informaun ne'ebé tuir mai iha valór nu'udar lei:

**KAPÍTULU I
JENERALIDADE SIRA**

**Artigu 1.º
Objetivu**

1. Diploma agora daudaun nian estabelese rejime karreira no promosaun Polisia Nasionál Timor-Leste (PNTL) nian, no bazeia ba kbiit, atitude, dezempeñu no komportamentu/hahalok Profisionál.

2. Selesaun promosaun nian sei independente husi poder, jéneru / seksu, rasa, moris fatin, polítika, relijiaun, ideolojia, no situaun ekonómika ka sosiál.

**Artigu 2.º
Âmbitu aplikasaun**

1. Diploma ne'e sei aplika ba karreira no promosaun ne'ebé tenke hala'ó iha Polisia Nasionál Timor-Leste (PNTL).
2. Maski la prejudika buat ne'ebé hakerek iha leten, nomeasaun no demisaun Komandante-Jerál no 2º Komandante-Jerál nian iha regulamentu spesífiku.

**Artigu 3.º
Kategoria no postu sira**

1. Membru sira PNTL nian sei fahe ba grupu, tuir ierarkia husi boot liu ba ki'ik liu iha kategoria hirak tuir mai:
 - a) Ofisiál sira;
 - b) Sarjentu sira;
 - c) Ajente sira.
2. Kategoria Ofisiál nian fahe ba sub kategoria hanesan tuir mai:
 - a) Ofisiál Superior;
 - b) Ofisiál Inspetór.
3. Postu maka pozisaun, iha kategoria ka sub kategoria ne'ebé Polisia okupa iha nia karreira polisia nian.
4. Kategoria, sub kategoria no postu, maka hirak ne'ebé hakerek iha aneksu I no II iha diploma ida ne'e, no parte integral ida diploma ne'e nian.

**Artigu 4.º
Ingresu / tama ba kategoria sira
(Tama ba kategoria)**

1. Ingresu /tama ba kuadru pesoál ho funsaun polisia nian, halo iha postu ajente hafoin tuir kursu formasaun ba ajente sira iha Sentru Formasaun Polisia nian, ka iha establesimentu formasaun (Eskola) polisiál seluk iha estranjeiru ne'ebé iha akordu kooperasaun nian ho Timor-Leste.

2. Tuir regulamentu ne'ebé iha, bainhira tuir kursu formasaun ne'ebé refere iha pontu 1 iha leten, partisipante sira iha estatutu nu'udar estudante, no laiha ligasaun ho PNTL.
3. Maski la prejudika buat ne'ebé preve iha número 1 no 2 iha leten, ingressu/tama ba karreira sei halo iha kategoria ofisiál no iha postu Inspektor asistente, bainhira nia iha kursu ofisiál ne'ebé halo iha territóriu nasionál ka iha rai estranjeiru ne'ebé iha akordu kooperasaun ho Timor-Leste.
4. Kondisaun sira konkursu nian, no asesu ba kursu no estájio formasaun nian estabelese iha regulamentu ne'ebé aprova liuhusi diploma ministerial Ministru Seguransa nian..

KAPÍTULU II KUALIFIKASAUN POLÍCIA SIRA NIAN BA PROMOSAUN

Artigu 5.º Promosaun

1. Asesu ba postu ida-idak karreira polisia nian hetan liu husi promosaun.
2. Promosaun signifika katak sai ba postu ne'ebé iha leten iha kategoria nia laran ka ba 1º postu iha kategoria ne'ebé iha leten.
3. Promosaun sira tenke hala'o ho respeito ba buat ne'ebé estabelese iha Kuadru Pesoál PNTL nian, liu-liu kona-ba vaga (fatin mamuk) ba postu ida-idak, ho exesaun (menus) ba kazu hirak ne'ebé preve iha diploma ne'e.
4. Promosaun no dezempeñu temporáriu funsaun nian tenke inklui iha despaxu husi Komandante Jerál PNTL nian.
5. Bainhira despaxu ne'ebé temi iha leten kona-ba promosaun no dezempeñu temporáriu funsaun nian iha kategoria ofisiál, hafoin asina, Komandante Jerál sei

Haruka ba Ministru ne'ebé responsavel ba área Seguransa nian, hodi públika iha Jornal da República.

Artigu 6.º Kondisaun promosaun nian

1. Hodi hetan promosaun, membru Polisia tenke satisfás kondisaun Jerál no espesial promosaun nian, ho exesaun (menus) ba kazu hirak ne'ebé preve iha diploma ne'e.
2. Tenke halo SosIALIZASAUN ba informasaun tomak kona-ba Prosesu hamutuk ho dokumentu hotu-hotu ne'ebé nesesáriu ba promosaun.

Artigu 7.º

Modalidade promosaun nian

1. Modalidade sira promosaun nian maka hirak tuir mai:
 - a) Antiguidade;
 - b) Eskolla; (hili)
 - c) Nomeasaun;
 - d) Kazu exesionál.
2. Maski la prejudika buat ne'ebé define iha nº2 artigu 2.º diploma ida ne'e nian no iha promosaun kazu exesionál nian, modalidade ne'ebé atu aplika ba promosaun maka hirak ne'ebé iha aneksu III diploma ne'e nian.

Artigu 8.º

Promosaun liuhusi antiguidade (Promosaun liuhusi tempu ne'ebé boot liu)

Promosaun liu husi antiguidade fô asesu ba postu ne'ebé iha leten kedas, no la haree ba vaga (fatin), maibe hafoin simu opiniaun husi Komisaun Promosaun PNTL, tenke satisfás kondisaun promosaun nian.

Artigu 9.º

Promosaun liu husi eskola (hili)

1. Promosaun liu husi eskolla (hili), buka atu selesiona (hili) Polisia hirak ne'ebé konsidera katak kompetente no hatudu katak iha kbiit atu hala'o funsaun postu ne'ebé iha leten kedas nian.
2. Promosaun liu husi eskolla, fô asesu ba postu ne'ebé tuir, bainhira iha vaga no satisfás kondisaun sira promosaun nian tuir diploma ne'e nian, no tuir konkursu ka lista polisia nian ne'ebé tuir orden, atu promove ba postu ne'ebé tuir, no tuir proposta Komisaun

Promosaun PNTL nian ba Komandante Jerál atu ratifika.

3. Promosaun liu husi eskolla hala'ó kedas hafoin loke vaga iha postu. Artigu 10.º Promosaun liuhusi nomeasaun

Artigu 10.º

Promosaun liu husi nomeasaun

1. Promosaun liu husi nomeasaun hala'ó iha situasaun espesial, liu-liu hodi satisfás nesesidade espesífiku sira PNTL nian.
2. Promosaun liu husi nomeasaun fó asesu ba postu Komisáriu bainhira iha vaga no satisfás kondisaun sira promosaun nian, tuir diploma ne'e nian.
3. Promosaun liu husi nomeasaun hala'ó tuir iniciativa Ministru ne'ebé responsavel ba Seguransa, no presiza opiniaun husi Konsellu Superior Polisia nian.

Artigu 11.º

Promosaun Kazu Exesional

1. Promosaun liu husi kazu exesional fó asesu ba postu superior, no la depende ba vaga, iha kazu hanesan tuir mai:
 - a) Hetan kualifikasaun nu'udar defisiénte PNTL nian, bainhira hakerek iha lejjizlusaun special;
 - b) Tuir rehabilitasaun, nu'udar konsekuénsia prosesu rekursu kriminal ka dixiplinár..
2. Promosaun liu husi kazu exesional bele hetan hafoin mate.

Artigu 12.º

Kondisaun Jerál promosaun nian

Kondisaun Jerál sira promosaun nian, ne'ebé hanesan ba postu hotu-hotu Polisia nian maka tuir mai:

- a) Kumpre ho dever hotu-hotu ne'ebé aplikavel;
- b) Hala'ó funsaun hotu-hotu ita nia postu nian ho efisiénsia;
- c) Iha rasik kualidade no kapasidade intelektuál (mental) no profesionál,

ne'ebé presiza ba postu imediatu ne'ebé atu promove;

- d) Kapasidade fizika no mental ne'ebé adekuadu.

Artigu 13.º

Verifikasaun ba kondisaun Jerál sira

1. Verifika katak membru polisia ida satisfás kondisaun Jerál promosaun nian sei halo tuir:
 - a) Avaliasaun individual, ne'ebé halo iha diviza ida-idak komandu nian;
 - b) Rejistu dixiplinár;
 - c) Dokumentu seluk ne'ebé iha kona-ba prosesu Polisia ida-idak nian, ka dokumentu ne'ebé tama iha nia fixa hafoin desizaun superior nian.

Sei la konsidera informasaun kona-ba naran prosesu pendente ne'ebé iha, bainhira prosesu ne'e seidauk iha desizaun final.

Norma no instrusaun ne'ebé hamutuk ho diploma atual estabelese prosesu ne'ebé tenke tuir hodi halo avaliasaun ba fatór sira promosaun nian, liu-liu hirak ne'ebé nesesáriu ba dezempeñu di'ak Komisaun Promosaun PNTL nian.

Artigu 14.º

La satisfás kondisaun Jerál sira

- 1) Desizaun kona-ba bainhira membru ida la satisfás kondisaun Jerál promosaun nian ne'ebé estabelese iha artigu 12.º, kompeténsia:
 - a) Komandante Jerál PNTL nian, hafoin rona husi Komisaun Promosaun nian kona-ba aliña a), b) no c) iha artigu ne'ebé refere;
 - b) Komité saúde nian, ne'ebé iha kompeténsia ba pontu ne'ebé preve iha aliña d) iha artigu ne'ebé refere;
2. Komisaun Promosaun PNTL nian sei formula pareser bazeia ba pontu hirak ne'ebé temi iha artigu 13.º, no karik nia la satisfás kondisaun Jerál promosaun nian tenke fó oportunidade

- ba membru Polisia no ba terseiru (ema seluk) seluk ne'ebé iha interese ba opiniaun ne'ebé formula..
- Desizaun ne'ebé temi iha pontu n° 1, sei konsidera mós pareser husi entidade ne'ebé refere iha n° 1 no tenke fó koñesimentu ba interesadu kona-ba razaun desizaun nian.

Artigu 15.º
Kondisaun espiál sira

- Kondisaun espiál promosaun nian ba postu ida-idak hakerek iha aneksu IV iha diploma ne'e no halo parte diploma ne'e nian, inklui mós:
 - Tempu minimu iha postu;
 - Remata kursu promosaun ho susesu
- Iha kursu formasaun no promosaun, fatór ne'ebé relevante liu maka nota final.

Artigu 16.º
Eskluzaun temporáriu

Polisia ida bele hetan eskluzaun temporáriu husi promosaun, no kontínua iha situasaun ida hanesan tuir mai:
Demoradu ka Preterido (atrazu ka la hetan promosaun).

Artigu 17.º
Promosaun pendente

- Promosaun pendente sei akontese:
 - Bainhira Polisia ida sei hein desizaun Komandante Jerál PNTL nian kona-ba pareser husi Komisaun promosaun PNTL nian;
 - Bainhira promosaun depende ba desizaun Judisiál final;
 - Bainhira promosaun depende ba konkluzaun prosesu averiguasaun (verifika) ba kazu dixiplinár ka kriminál;
 - Bainhira verifikasaun ba kapasidade fizika ka mental depende ba observasaun klínika, tratamentu, rekupera (di'ak daudaun ona) hela ka pareser husi komisaun médika.

- Polisia ne'ebé iha promosaun pendente labele hala'o servisu tuir orden husi Polisia ne'ebé foun liu, maski sira hetan ona promosaun.
- Polisia ne'ebé iha promosaun pendente sei promove hafoin halakon motivu hirak ne'ebé prevene nia promosaun, nia promosaun sei la depende ba vaga, no nia sei okupa pozisaun ne'ebé hanesan tuir antiguidade no postu ne'ebé nia hetan karik nia promosaun la pendente.

Artigu 18.º
Omisaun husi Promosaun
(La tuir prosesu Promosaun)

- Omisaun husi promosaun sei akontese bainhira hasoru sirkunstánsia ida hanesan tuir mai:
 - Polisia la satisfás kondisaun Jerál promosaun nian ida husi hirak ne'ebé hakerek iha artigu 12.º;
 - Polisia hasai lisensa la ho vensimentu
 - Iha kazu ne'ebé preve iha lejjizlasaun.
- Hafoin halakon motivu ne'ebé kauza nia omisaun, Polisia sei hetan konsiderasaun ba promosaun ba postu ne'ebé aas liu, tuir sirkunstánsia ne'ebé hanesan ho Polisia seluk iha postu ne'ebé hanesan.

Artigu 19.º
Organizasaun prosesu sira Promosaun nian

Rekursu Umanus maka responsavel hodi organiza prosesu promosaun ba kategoria no postu oin-oin, ne'ebé tenke inklui elementu hotu-hotu ne'ebé nesésáriu hodi halo verifikasaun ba kondisaun sira promosaun nian.

Artigu 20.º
Konfidensialidade Prosesu sira
Promosaun nian
(Segredu prosesu promosaun nian)

Prosesu promosaun nian konfidensial, maski la prejudika direitu membru Polisia nian atu haree nia prosesu individual, bainhira nia rekere (husu).

Artigu 21.º
Dezempeñu Temporáriu Funksaun sira nian
(hala'õ funksaun temporáriu)

1. Iha kategoria Ofisiál Inspetór no Ofisiál Superior, bainhira laiha Ofisiál ho postu ne'ebé adekuaðu tuir lei hodi hala'õ funksaun ne'ebé determina, bele nomeia Ofisiál ida husi postu ne'ebé ki'ik liu, hodi hala'õ funksaun iha situasaun ne'ebé exesionál no ba tempu ne'ebé temporáriu.
2. Tuir kondisaun ne'ebé preve iha diploma ne'e, Ofisiál sira ne'ebé refere iha pontu nº 1 iha leten, hala'õ funksaun hirak ne'e, to'õ deit loraun ne'ebé prenxe postu.
3. Nomeasaun Ofisiál hirak ne'e nian, sei halo liuhusi despaxu komandante Jerál nian, hafoin halo avaliasaun ba kurríkulu no simu proposta husi nia superior ierárkiku, no presiza pareser favoravel di'ak husi Komisaun Promosaun PNTL nian.
4. Bainhira Ofisiál ida hetan nomeasaun hodi hala'õ funksaun ba tempu ne'ebé temporáriu, ne'e la signifika katak nia postu iha vaga..
5. Hirak ne'ebé hetan nomeasaun hodi hala'õ funksaun superior ba tempu temporáriu, simu vensimentu, suisídiu no regalia seluk tuir pozisaun ne'ebé sira okupa.
6. Laiha limite temporáriu hodi hala'õ funksaun ba tempu ne'ebé temporáriu, no la presiza iha kualifikasaun minima, tenke satisfás deit nesesidade estraordináriu servisu nian, maibe tenke nomeia ema ne'ebé iha kapasidade boot liu hodi hala'õ funksaun foun, no ema ne'ebé bain-bain servisu iha área ne'ebé hanesan ka hanesan liu.

Artigu 22.º
Antiguidade

1. Antiguidade Polísia nian iha postu ida-idak, sura husi loraun ne'ebé hakerek iha dokumentu ofisiál promosaun nian, no hirak ne'ebé promove iha

loraun ikus liu konsidera katak iha antiguidade ki'ik liu, bainhira la tuir situasaun ne'ebé la preve iha diploma ne'e ka iha lejislasaun seluk..

2. Tempu servisu hotu-hotu polísia sira nian sei sura hodi determina antiguidade iha postu, maibe iha kazu hanesan tuir mai la sura:
 - a) Polísia ne'ebé iha tempu ruma lakon direitu atu simu vensimentu;
 - b) Polísia ne'ebé, tuir lejislasaun dixiplinár ne'ebé aplika, labele hetan konsiderasaun.

KAPÍTULU III
NOMEASAUN

Artigu 23.º

Komandante Jerál PNTL nian

1. Hafoin halo avaliasaun ba kurríkulu, Komandante Jerál PNTL nian sei nomeia husi kategoria Ofisiál Superior ho postu Komisáriu ka Superintendente Xefe, ho minimu tinan rua iha postu no komportamentu dixiplinár ne'ebé ezemplár (di'ak tebes).
2. Komandante Jerál PNTL nian hetan nomeasaun ba Komisaun servisu tinan haat (4), karik renova, bele renova ba período ne'ebé hanesan, liu husi Rezulusaun Konsellu Ministru no, tuir pareser Konsellu Superior Polísia nian no proposta husi Ministru ne'ebé responsavel ba Seguransa.
3. Superintendente Xefe ne'ebé hetan nomeasaun ba kargu Komandante-Jerál PNTL nian, hetan promosaun automatiku ba Komisáriu.
4. Karik iha intensaun atu renova komisaun servisu nian, Komandante Jerál tenke simu karta eskrita pelumenus loraun neenulu (60) molok atu remata tinan haat (4), karik autoridade kompetente la fó hatene intensaun atu renova, komisaun servisu sei remata automatikamente.
5. Bainhira Komandante Jerál PNTL laiha intensaun atu renova nia komisaun servisu, nia tenke fó hatene ba Ministru ne'ebé responsavel ba Seguransa, liu husi karta eskrita

pelumenus loron 60molok atu remata nia termu komisaun servisu nian.

6. Hafoin simu proposta husi Ministru ne'ebé responsavel ba Seguransa, Konsellu Ministru bele foti rezulusaun atu hakotu komisaun servisu tanba iha komportamentu, hahalok ka omisaun ruma ne'ebé bele kauza instabilidade iha

PNTL nia laran.

Artigu 24.º

2º Komandante-Jerál PNTL nian

1. Hafoin halo avaliasaun ba kurríkulu, 2º Komandante-Jerál PNTL nian sei nomeia, husi kategoria Ofisiál Superior ho postu Superintendente Xefe, ne'ebé iha minimu tinan rua iha postu ho komportamentu dixiplinár ne'ebé ezemplár.
2. 2º Komandante Jerál PNTL nian hetan nomeasaun ba komisaun servisu tinan haat (4), karik renova, bele renova ba período ne'ebé hanesan, liu husi rezulusaun Konsellu Ministru no tuir pareser Konsellu superior Polísia nian no proposta husi Ministru ne'ebé responsavel ba Seguransa.
3. Superintendente Xefe ne'ebé hetan nomeasaun ba kargu 2º komandante Jerál PNTL nian, automatikamente promove ba postu Komisáriu.
4. Karik iha intensaun atu renova komisaun servisu nian, 2º Komandante Jerál tenke simu karta eskrita pelumenus loron neenulu (60) molok atu remata tinan haat (4), karik autoridade kompetente la fó hatene intensaun atu renova, komisaun servisu sei remata automatikamente.
5. Bajnhira 2º Komandante Jerál PNTL laiha intensaun atu renova nia komisaun servisu, nia tenke fó hatene ba Ministru ne'ebé responsavel ba Seguransa, liu husi karta eskrita pelumenus loron 60 molok atu remata nia termu komisaun servisu nian.
6. Hafoin simu proposta husi Ministru ne'ebé responsavel ba Seguransa, Konsellu Ministru bele foti rezulusaun atu hakotu komisaun servisu tanba iha komportamentu, hahalok ka omisaun ruma ne'ebé bele kauza instabilidade iha PNTL nia laran.

Artigu 25.º

Komandante Unidade no Servisu sira nian

Komandante sira Unidade no Servisu sira nian, sei nomeia husi Ofisiál Polísia nian ne'ebé iha postu adekuaadu no komportamentu dixiplinár ne'ebé ezemplár, tuir despaxu husi Komandante Jerál PNTL.

Artigu 26º

Komandante Distrital sira

Komandante no 2º Komandante Distritu sira nian, nomeia husi grupu Ofisiál Polísia nian ho postu ne'ebé, no ho komportamentu dixiplinár ne'ebé ezemplár, liu husi despaxu Komandante Jerál, ne'ebé tuir proposta 2º Komandante Jerál.

Artigu 27.º

Komandante Operasaun, Komandante Administrasaun, Komandante Sentru formasaun Polísia nian no Inspektor Jerál PNTL nian

Komandante Operasaun, Komandante Administrasaun, Komandante Sentru Formasaun Polísia nian no Inspektor Jerál sei nomeia, husi grupu Ofisiál Polísia nian ho Postu ne'ebé adekuaadu no ho komportamentu dixiplinár ne'ebé ezemplár, no hafoin tuir avaliasaun kurríkulu nian, tuir despaxu Komandante-Jerál PNTL nian.

Artigu 28.º

Nomeasaun ba kargu seluk Komandu ka Xefia nian

1. Nomeasaun ba Xefe departamentu no sub unidade sira, liu husi despaxu Komandante Jerál PNTL nian.
2. Nomeasaun ba Komandante Eskuadra sira nian, liu husi despaxu 2º Komandante Jerál PNTL, hafoin simu proposta husi Komandante sira Distritu nian.
3. Nomeasaun sira ne'ebé refere iha pontu 1 no 2 iha leten laiha limite tempu nian, no entidade ne'ebé

nomeia sira bele mós hakotu sira nia funsaun.

KAPÍTULU IV KOMPETÉNSIA SIRA

Artigu 29.º

Kompeténsia sira Komisaun promosaun PNTL nian

Komisaun Promosaun maka órgaun konsultivu Komandante jerál PNTL nian kona-ba promosaun, no iha kompeténsia hirak tuir mai:

- a) Halo deklarasaun kona-ba karik satisfás ka lae kondisaun jerál promosaun nian ne'ebé estabelese iha aliña a), b) no c) artigu 12.º, iha modalidade hotu-hotu promosaun nian ho exesaun ba situasaun exesional;
- b) Tau tuir orden, Polisia sira ne'ebé atu propoin ba promosaun tuir eskolla, ba postu aas liu, tuir diploma ida ne'e.
- c) Fó pareser kona-ba Polisia hirak ne'ebé iha prosesu promosaun nia laran no kona-ba nomeasaun hodi hala'ó funsaun ba tempu ne'ebé temporáriu;
- d) Karik iha kazu ne'ebé la kumpre ho kondisaun jerál promosaun nian, rona Polisia no ema seluk ne'ebé iha interese, hodi bele elabora sira nia pareser.

Artigu 30.º

Kompozisaun Komisaun Promosaun PNTL nian

Tuir Aneksu V ne'ebé halo parte integrante iha diploma ida ne'e, Komisaun Promosaun PNTL nian bele iha kompozisaun oin-oin, tuir Postu ne'ebé atu konsidera.

Artigu 31.º

Oinsá hala'ó Komisaun Promosaun PNTL nian

- 1) Komisaun Promosaun hala'ó enkontru bainhira deit nesesáriu, no tenke hala'ó enkontru pelumenus dala ida iha tinan ida.

- 2) Komisaun Promosaun nian hala'ó promosaun tuir lista ne'ebé tuir orden Polisia nian, tuir antiguidade, no tuir buat ne'ebé hakerek iha lei.
- 3) Lista ne'ebé refere iha pontu leten nian sei pública tuir dalan ne'ebé apropriadu hodi fó koñesimentu ba ema hotu-hotu ne'ebé iha interese.
- 4) Hafoin pública lista, karik iha buat ruma ne'ebé la loos iha lista, interesadu sira bele husu rekursu ba Komandante Jerál iha loron 8 servisu nian nia laran.
- 5) Hafoin faze rekursu, Komisaun Promosaun nian halo analize no elabora lista final ne'ebé Komandante Jerál PNTL nian aprova.
- 6) Promosaun sira ne'ebé liu husi eskolla ba 1ºpostu iha kategoria ida-idak tenke tuir regra sira selesaun nian ne'ebé preve iha regulamentu konkursu hodi hetan aprovasaun husi Ministru ne'ebé responsavel ba Seguransa.
- 7) Lista be promosaun liu husi eskolla ba Postu sira seluk, ne'ebé preve iha Aneksu III, Komisaun Promosaun maka elabora no apresenta ba Komandante Jerál PNTL nian hodi analiza no aprova.
- 8) Karik entidade ne'e la konkorda ho lista ne'ebé halo, tenke halo enkontru foun, iha loron 8 nia laran, hodi apresenta lista foun.
- 9) Prosedimentu jerál funsionamentu Komisaun Promosaun nian, estabelese iha aneksu VI ne'ebé halo parte integrante diploma ida ne'e nian.

Artigu 32.º

Autoridade Kompetente sira

- 1) Tuir proposta husi Ministru ne'ebé responsavel ba área Seguransa, no tuir lei ne'ebé iha, Konsellu Ministru iha kompeténsia atu nomeia no hasai Komandante Jerál no 2º Komandante-Jerál PNTL nian.
- 2) Independente husi postu orijen nian, Komandante Jerál PNTL nian maka iha kompeténsia eskuzivu atu nomeia ema hodi hala'ó funsaun temporáriu ka promosaun ba Polisia PNTL to'ó diviza Superintendente Xefe.

Artigu 33.º
Konsellu Superior Polísia nian

Tuir lei, Konsellu Superior Polísia nian iha kompeténsia kona-ba promosaun ba diviza Komisáriu.

Artigu 34.º
Kompeténsia 2º Komandante-Jerál PNTL nian

- 1) 2º Komandante-Jerál PNTL tenke hatene informasaun kona-ba situasaun dezempeñu temporáriu funsaun nian iha PNTL.
- 2) 2º Komandante-Jerál PNTL nian maka responsavel atu apresenta prosesu promosaun nian ba Komandante Jerál PNTL nian hodi halo despaxu.
- 3) 2º Komandante-Jerál PNTL nian maka responsavel atu dirije no koordena tarefa hirak ne'ebé fó ba Komisaun Promosaun PNTL nian.

Artigu 35.º
Kompeténsia Xefe Departamentu Rekursu Umanus PNTL nian

- 1) Xefe Departamentu Rekursu Umanu iha PNTL tenke hatene kona-ba prosesu hotu-hotu dezempeñu temporáriu ne'ebé halo planu no hirak ne'ebé hala'o hela, tanba nia maka responsavel tékniku ne'ebé tenke kontrola vaga ne'ebé iha ba postu ida-idak iha estrutura tomak PNTL nian.
- 2) Xefe Departamentu Rekursu Umanu maka responsavel atu apresenta prosesu promosaun nian iha tempu nia laran ba 2º Komandante Jerál PNTL nian hodi bele lori ba Komandante Jerál PNTL atu aprova.
- 3) Xefe Departamentu Rekursu Umanu PNTL nian maka responsavel atu dezenvolve tarefa ne'ebé simu husi diploma ida ne'e bainhira hala'o promosaun.

KAPÍTULU V
REJIME TRANZITÓRIU

Artigu 36.º

Rejime tranzitóriu

- 1) Postu Sub-Inspetór sei halakon, no transfere ba postu ne'ebé sei kria iha diploma ida ne'e tuir artigu hirak ne'ebé tuir mai.
- 2) Ministru ne'ebé responsavel ba Seguransa maka sei determina número postu ida-idak nian liu husi konsiderasaun ba nesesidade ne'ebé defini iha estrutura Orgánika PNTL nian.
- 3) Promosaun ba postu hirak ne'ebé diploma ne'e kria ba pesoal ho funsaun Polísia nian, sei hala'o tuir artigu hirak tuir mai.

Artigu 37.º
Regra jerál

Durante período tranzisaun, membru hotu-hotu PNTL nian sei tuir avaliasaun dixiplinár hodi bele hetan konsiderasaun ba promosaun tuir regra hirak tuir mai:

- a) Tuir artigu 46.º Polísia PNTL ne'ebé, iha loron regulamentu ne'e tama iha vigór, simu sansaun kona-ba prosesu dixiplinár no hetan multa ka kastigu boot liu, sei la hetan konsiderasaun ba promosaun, maibe, karik kastigu hetan liu tinan ida ona, sei bele hetan konsiderasaun.
- b) Tuir artigu 46.º Polísia PNTL ne'ebé, iha loron regulamentu ne'e tama iha vigór, simu sansaun kona-ba prosesu -krime no hetan prizaun, sei la hetan konsiderasaun ba promosaun.
- c) Polísia PNTL nian tenke iha Sertifikadu Provizóriu ka, se lae Sertifikadu Finál UNMIT nian.

Artigu 38.º
Prosesu Pendente sira

- 1) Hafoin aplika regra sira ne'ebé hakerek iha leten, polísia PNTL ida elejivel atu hetan konsiderasaun ba promosaun maibe, nia iha kazu kriminál ka dixiplinár ne'ebé pendente, nia bele tama ba lista promosaun nian maibe sei hein to nia prosesu iha desizaun finál.

- 2) Polisia PNTL ne'ebé iha prosesu krime maibe tribunal konsidera katak nia la sala, ka Ministériu Públiku arkiva tiha nia kazu, ka konsidera katak sala bainhira tuir prosesu dixiplinár, sei hetan promosaun, no nia promosaun sei sura husi loron simu promosaun ne'e.
- 3) Polisia PNTL ne'ebé tribunal konsidera katak sala, iha prosesu kriminal nian, sei la hetan promosaun.
- 4) Polisia PNTL ne'ebé tuir prosesu dixiplinár, no konsidera katak sala maibe hetan kastigu ne'ebé ki'ik liu multa, sei hetan promosaun ba postu ne'ebé propoin (hetan promosaun), no tempu iha postu ne'e sei sura husi loron promosaun nian.
- 5) Polisia ne'ebé tuir prosesu dixiplinár, no konsidera katak sala no hetan kastigu hanesan ka boot liu multa, sei la hetan promosaun.

Artigu 39.º
Avaliasaun Profisionál

- 1) Polisia PNTL ne'ebé hetan konsiderasaun ba promosaun sei tuir avaliasaun Profisionál, liu husi ezame eskrita.
- 2) Polisia PNTL sira sei tau iha orden tuir postu, iha postu ida-idak nia laran no tuir klasifikasaun ne'ebé as liu.

Artigu 40.º
Entrevista

- 1) Polisia PNTL ho klasifikasaun ne'ebé satisfatóriu sei tuir entrevista hodi verifika sira nia kapasidade hodi hala'o funsaun iha postu foun.
- 2) Polisia PNTL sira ne'ebé hetan konsiderasaun ba postu iha kategoria Ofisiál Superior no ba postu Inspetór no Inspetór Xefe, tenke tuir entrevista.
- 3) Ba promosaun sira seluk, Konsellu Promosaun sei entrevista deit bainhira sira konsidera katak nesésáriu ba avaliasaun kandidatu nian.

Artigu 41.º
Promosaun ba Ajente Prinsipál

Polisia PNTL ne'ebé kaer postu Ajente, no iha tinan 6 iha postu ne'e, no mós kumpre

ho regra Jerál iha artigu 37º, no laiha kazu pendente tuir artigu 38º, sei hetan promosaun ba Ajente Prinsipál..

Artigu 42.º
Promosaun ba postu superior sira

1. Promosaun ba Polisia PNTL ne'ebé hetan konsiderasaun ba promosaun, no agora daudaun hala'o funsaun komandu, diresaun no xefia nian, sei hala'o tuir tabela iha aneksu II diploma ida n ne'e nian..

- 1) Polisia PNTL ne'ebé agora daudaun kaer postu Inspetór maka sei hetan konsiderasaun ba dala uluk ba promosaun, no sira bele hetan promosaun ba postu entre Inspetór to Superintendente Xefe.
- 2) Polisia PNTL ne'ebé agora daudaun kaer postu Sub-Inspetór maka segundu grupu atu hetan konsiderasaun ba promosaun, no sira bele hetan promosaun ba Primeiru Sarjentu no Superintendente.
- 3) Polisia PNTL ne'ebé agora daudaun kaer postu Ajente no Ajente Prinsipál no hala'o funsaun komandu, diresaun no xefia durante tinan 1, husi loron regulamentu ne'ebé preve iha artigu 45.º tama iha vigór, bele hetan promosaun ba postu ne'ebé korresponde ho funsaun ne'ebé sira hala'o, tuir tabela iha aneksu II diploma ida ne'e nian, másimu to'o postu Inspetór Xefe.

Artigu 43.º
Promosaun ba Ofisiais ne'ebé iha edukasaun superior

- 1) Polisia PNTL hetan konsiderasaun ba promosaun no agora daudaun kaer postu Ajente, Ajente Prinsipál no Sub-Inspetór no iha edukasaun superior, sei hetan konsiderasaun ba postu Inspetór Asistente.
- 2) Polisia PNTL tenke tuir ezame kona-ba koñesimentu Jerál, ezame profisionál no entrevista ida.
- 3) Orden promosaun nian, tuir nota ka klasifikasaun ne'ebé aas liu, husi polisia ne'ebé hetan klasifikasaun boot liu to'o polisia ne'ebé hetan klasifikasaun ki'ik liu.

- 4) Númeru promosaun nian sei determina liu husi nesesidade servisu nian, no sei públika iha diploma ministerial.

Artigu 44.º
Dever sira PNTL nian

- 1) Departamentu Rekursu Umanu iha PNTL maka responsavel hodi:
 - a) Elabora lista pesoál ho ida-idak nia pozisaun atual;
 - b) Elabora lista Ajente sira ne'ebé tuir rekizitu sira iha artigu 41.º;
 - c) Fornese fixa pesoál Polisia hotu-hotu nian iha PNTL ne'ebé atu konsidera katak elejivel ba promosaun;
 - d) Elabora lista pesoál ho ida-idak nia estadu atual sertifikasaun nian.
- 2) Departamentu Justisa nian maka responsavel hodi:
 - a) Fornese lista kona-ba pesoál ne'ebé hetan kastigu, ho data no dadus hotu-hotu kastigu nian;
 - b) Fornese lista pesoál ne'ebé, tuir investigasaun kriminal ka hein desizaun Judisial iha loron ne'ebé regulamentu ne'ebé preve iha artigu 46.º tama iha vigór.;
 - c) Fornese lista pesoál ne'ebé tuir hela investigasaun dixiplinar iha loron regulamentu ne'ebé preve iha artigu 46.º tama iha vigór.

Artigu 45.º
Komisaun Promosaun nian

- 1) Tuir proposta Ministru ne'ebé responsavel ba seguransa, no aprovasaun Konsellu Ministru nian, Komisaun promosaun nian sei iha membru hitu.
- 2) Durante rejime tranzitóriu nia laran, Komisaun Promosaun nia misaun maka atu hala'o selesaun ba Polisia PNTL no halo rekomendasaun hodi promove sira ba postu sira ne'ebé preve iha diploma ne'e.
- 3) Desizaun ne'ebé foti, sei halo tuir akordu ho prosedimentu ne'ebé preve iha diploma ne'e.

Artigu 46.º
Prosedimentu selesaun nian

Prosedimentu sira ne'ebé nesesáriu hodi hala'o promosaun durante períodu tranzitóriu nia laran, tenke iha regulamentu ne'ebé aprova liu husi despaxu Ministru ne'ebé responsavel ba seguransa.

Artigu 47.º
Promosaun iha rejime tranzitóriu

- 1) Hafoin hala'o servisu hotu-hotu, Komisaun Promosaun nian sei halo rekomendasaun ba Sekretariu Estadu Seguransa nian, kona-ba polisia PNTL ne'ebé bele hetan promosaun.
- 2) Rekomendasaun ne'e sei fó sai postu ne'ebé maka Polisia PNTL ida-idak atu hetan.
- 3) Sekretariu Estadu Seguransa iha kompeténsia atu simu ka troka rekomendasaun Komisaun Promosaun nian.
- 4) Promosaun sei hahu husi loron ne'ebé públika iha Jornal da República.

Artigu 48.º
Nomeasaun Komandante-Jerál no 2º Komandante-Jerál PNTL nian

- 1) Iha rejime tranzitóriu no iha situaun exesional, bele nomeia Timor-oan ida ne'ebé iha kapasidade, di'ak liu husi, Majistradu ka Jurista ne'ebé iha méritu ne'ebé rekoñesidu ba kargu Komandante-Jerál PNTL nian.
- 2) Iha rejime tranzitóriu, no iha situaun exesional no bainhira la prejudika buat ne'ebé hakerek iha nº 1 husi artigu 24, bele nomeia Superintendente Xefe ne'ebé seidak iha tinan rua iha kargu ne'e ba 2º Komandante-Jerál PNTL.

Artigu 49º
Durasaun períodu tranzitóriu

Tuir diploma ne'e, períodu tranzitóriu sei kontinua to'o loron ne'ebé postu hotu-hotu nakonu, ka durante tinan rua husi loron ne'ebé diploma ne'e tama iha vigór.

KAPITULU VI
DISPOZISAUN FINÁL

Artigu 50.º

Norma no instrusaun Komplementár sira

Ministru ne'ebé responsavel ba pasta Seguransa, tuir nia inisiativa rasik ka tuir proposta husi Komandante jerál PNTL nian, bele tuir despaxu, estabelese Norma ka instrusaun komplementár sira ne'ebé nesesáriu hodi implementa diploma ida ne'e.

**Artigu 51.º
Insígnia sira**

Insígnia sira membru PNTL nian aprova hotu tuir aneksu VII ne'ebé parte integrante diploma ida ne'e nian.

**Artigu 52.º
Norma revogada**

Norma hotu-hotu ne'ebé la hanesan ho diploma ida ne'e kansela tiha.

O Prezidente da República,

(José Ramos-Horta)

**Artigu 53.º
Tama iha Vigór**

Diploma ida ne'e tama iha vigór loron ida hafoin nia Publikasaun.

Aprova iha Konsellu Ministru loron 13 fulan Dezembru 2008

Primeiru-Ministru,

(Kay Rala Xanana Gusmão)

Ministru Defeza no Seguransa

(Kay Rala Xanana Gusmão)

Ministra Finansas

(Emília Pires)

Promulga iha loron 09 fulan Marsu 2009.

Pública.

Jornal da República**Aneksu I****(Kategoria no Postu sira (ne'ebé refere ba artigu 3.º))**

Kategoria	Postu sira (tuir orden dekresente –boot to'o ki'ik)
Ofisiál Superior	Komisáriu Superintendente Xefe Superintendente Superintendente Asistente
Ofisiál Inspetór	Inspetór Xefe Inspetór Inspetór Asistente
Sarjentu	Sarjentu-Xefe Primeiru-Sarjentu Sarjentu
Ajente	Ajente Xefe Ajente Prinsipál Ajente

ANEKSU II**Funsaun prinsipál ofisiál sira PNTL nian (ne'ebé artigu 3.º halo referénsia)**

Postu sira	Funsaun sira
Komisáriu	Postu ne'ebé fô ba Superintendente Xefe ne'ebé simu nomeasaun ba funsaun Komandante-Jerál PNTL nian ka 2º Komandante-Jerál PNTL nian.
Superintendente Xefe	Komandu no kontrola unidade sira ne'ebé kompleksu liu Komandante Operasaun no Komandante Administrasaun. Komandante Sentru Formasaun Polísia, Komandante Unidade Espesiál Polísia, nian, Xefe Servisu Investigasaun Kriminál, Xefe Servisu Informasaun Polísia nian,, Inspetór-Jerál, Komandante Distritu sira nian no Dili, Baucau no Bobonaro.
Superintendente	Komandu no kontrola unidade sira ne'ebé kompleksu. Komandante Unidade Patrullamentu Fronteira sira nian, Komandante Unidade Marítima, Komandante Distritu sira nian no Xefe sira Departamentu Komandu Operasaun no Komandu Administrasaun, 2º Komandante Unidade Espesiál Polísia nian, Sub Xefe Servisu Investigasaun Kriminál; Sub Xefe servisu Informasaun Polísia nian; 2º Komandante Sentru Formasaun Polísia nian; 2º Komandante Distritu nian husi Distritu Dili, Baucau no Bobonaro. Funsau sira Inspesaun–Jerál nian. Instrutór Iha Sentru Formasaun Polísia nian.
Superintendente Asistente	Komandu no kontrola Sub Unidade sira. Xefe sira Departamentu Komandu Operasaun nian no Komandu Administrasaun; 2º Komandante sira Distritu nian; no Komandante de sub unidade sira iha nivel Batallaun nian ; 2º Komandante sira Unidade

	Marítima e da no Unidade Patrullamentu Fronteira sira nian; Instrutór Iha Sentru Formasaun Polísia nian.. Funsau sira Inspesaun-Jerál.
Inspetór-Xefe	Komandu sub unidade ho diviza kompañia. Komandante Kompañia; Komandante Eskuadra; Komandante sira Seksaun Departamentu sira Komandu Operasaun no Administrasaun nian ; Instrutór Iha Sentru Formasaun Polísia nian.. Funsau sira Inspesaun-Jerál.. Funsau tékniku sira.
Inspetór Asistente no Inspetór	Komandante sub unidade diviza pelotaun nian. Komandante Eskuadra. Komandante pelotaun ka estrutura ne'ebé hanesan. Komandante Seksaun Komandu sira Distritu nian Instrutór Iha Sentru Formasaun Polísia nian.. Funsau tékniku sira.
Sarjentu-Xefe	Funsau sira administrasaun no lojístika nian Komandante Eskuadra no Adjuntu sira Komandante Eskuadra nian no Seksaun, Komandante sira Postu Polísia no seksaun pelotaun sira nian. Funsau operasionál no dever internu sira Monitor iha Eskola Formasaun Polísia nian.
1º Sarjentu no Sarjentu	Funsau sira Administrasaun no lojístika nian. Komandante no Adjuntu sira Komandante Eskuadra nian. Komandante sira seksaun pelotaun nian. Funsau operasionál no dever internu sira. Monitor iha Eskola Formasaun Polísia nian.
Ajente Xefe, Ajente Prinsipál no Ajente	Funsau Operasionál, administrasaun no lojístika nian,

ANEKSU III

Modalidade sira Promosaun (ne'ebé artigu 7.º refere)

Kategoria sira	Postu sira (tuir orden dekresente)	Modalidade Promosaun
Ofisiál Superior	Komisáriu	Nomeasaun
	Superintendente Xefe	Eskolla
	Superintendente	Eskolla
	Superintendente Asistente	Eskolla
Ofisiál Inspetór (segundu pontu entrada)	Inspetór Xefe	Eskolla
	Inspetór	Antiguidade
	Inspetór Asistente	Eskolla

Sarjentu	Sarjentu-Xefe	Eskolla
	Primeiru-Sarjentu	Antiguidade
	Sarjentu	Eskolla
Ajente (primeiru pontu entrada)	Ajente Xefe	Antiguidade
	Ajente Prinsipál	Antiguidade
	Ajente	Eskolla

ANEKSU IV

Kondisaun Espesiál Promosaun nian (ne'ebé artigu 15.º refere)

Kategoria sira	Postu sira (tuir orden dekresente)	Rekizitu no Kondisaun Espesiál ba Promosaun ba Postu
Ofisiál Superior	Komisáriu	Nomeia ba kargu Komandante Jerál ka 2º Komandante PNTL nian
	Superintendente Xefe	Iha tinan 4 iha postu Superintendente, no verifika katak iha vaga.
	Superintendente	Iha tinan 4 iha postu Superintendente Asistente, no verifika katak iha vaga
	Superintendente Asistente	Iha tinan 5 iha postu Inspetór Xefe. Selesiona liu husi konkursu. Tuir no iha susesu iha kursu formasaun ba Ofisiál superintendente sira. Iha vaga
Ofisiál Inspetór Segunda entrada esternu	Inspetór Xefe	Iha tinan 5 iha postu Inspetór, no verifika katak iha vaga.
	Inspetór	Iha tinan 5 iha postu Inspetór Asistente, independente husi vaga
	Inspetór Asistente	Selesiona liuhusi konkursu. Tuir no iha susesu iha formasaun ba Inspetór sira, ka Iha postu Sarjentu ho tinan 4 iha postu no tuir no iha susesu iha kursu promosaun ba ofisiál Inspetór sira.. Verifika katak iha vaga.
Sarjentu	Sarjentu-Xefe	Iha tinan 6 servisu efektivu iha postu Primeiru-Sarjentu, verifika katak iha vaga.
	Primeiru-Sarjentu	Iha tinan 6 servisu efektivu iha postu Sarjentu, independente husi

		vaga
	Sarjentu	Iha tinan 4 iha kategoria Ajente Selesiona liu husi konkursu. Tuir no iha susesu iha kursu formasaun Sarjentu nian Iha Vaga.
Ajente Primeira entrada esternu	Ajente Xefe	Iha tinan 6 iha postu Ajente Prinsipál
	Ajente Prinsipál	Iha tinan 6 iha postu Ajente
	Ajente	Tuir no iha susesu iha kursu

ANEKSU V

Kompozisaun Komisaun promosaun PNTL nian (ne'ebé artigu 30.º refere)

1. Komisaun Promosaun kompostu husi:
 - a) 2º Komandante-Jerál PNTL nian;
 - b) Xefe Departamentu Rekursu Umanus PNTL nian;
 - c) Superintendente Xefe nain 4 hodi hala'o promosaun ba Superintendente Xefe;
 - d) Superintendente Xefe ida no Superintendente nain tolu hodi hala'o promosaun ba Superintendente;
 - e) Superintendente ida no Superintendente Asistente nain tolu hodi hala'o promosaun ba Superintendente Asistente;
 - f) Superintendente nain rua no Superintendente Asistente nain rua hodi hala'o promosaun ba postu sira entre Inspetór Xefe no Ajente Prinsipál
2. Komisaun Promosaun nomeia liu husi despaxu Komandante-Jerál PNTL nian, liuhusi proposta 2º Komandante-Jerál PNTL nian.
3. 2º Komandante-Jerál PNTL nian maka Prezidente Komisaun nian,

no Xefe Departamentu Rekursu Umanus maka Sekretariu maski nia la iha direitu atu vota.

ANEKSU VI

Prosedimentu Jerál kona-ba oinsá funsiona Komisaun Promosaun PNTL nian (Ne'ebé artigu 31.º refere)

Komisaun Promosaun PNTL nian hala'o funsaun tuir regra prinsipál hirak tuir mai:

1. Komisaun Promosaun PNTL nian presiza iha kuorum ho minimu ema 4/5 (kuatru kintus) hodi bele hala'o ho lejitimidade.
2. Membru hirak ne'ebé falta no la hola parte iha Komisaun Promosaun sei komete infrasaun dixiplinár.
3. Membru hotu-hotu iha Komisaun Promosaun iha direitu ba votu ida (1).
4. Bele vota Sim, Não ka Abstensaun (la vota).
5. Abstensaun (la vota) mós tenke inklui iha Akta Komisaun Promosaun PNTL nian.
6. Votasaun halo tuir votu sekretu.
7. Bainhira Komisaun Promosaun PNTL tau Polisia sira tuir orden, no bainhira iha empate ruma, Komisaun bele fõ pontu adisional ba polisia hirak ne'ebé sira konsidera katak merese, hodi bele manan. Pontu estra ne'ebé atu fõ bele iha valór husi 0 to 1. Proibidu atu ko'a ka hamenus fali pontu hirak ne'ebé fõ tiha ona.

Deskrisaun: Fundu Metan,- Diviza kinur risku 1. -Aifunan kór kinur ho Espada metan. -Marjen kór kinur,-Inisial PNTL

C. Kategoria Sarjentu sira

Totál postu: 3

Postu 1: **Sarjentu-Xefe**

Deskrisaun: Fundu Azul eskuru, Diviza kinur risku 3 ida ikus kruza iha ninin – Inisial PNTL kinur no Aifunan kinur ho Espada metan iha klaran- Marjen kinur

Postu 2: **1º Sarjentu**

Deskrisaun: - Fundu Azul eskuru, Diviza kinur risku 2 ida ikus kruza iha ninin – Inisial PNTL kinur no Aifunan kinur ho Espada metan iha klaran- Marjen kinur

Postu 3: **Sarjentu**

Deskrisaun: Fundu Azul eskuru, Diviza kinur risku 2 ida ikus kruza iha ninin – Inisial PNTL kinur, Marjen kinur

D. Kategoria: Ajente

Totál postu: 3

Postu 1: **Ajente Xefe**

Deskrisaun: -Fundu Azul eskuru.
-Diviza kinur liña 3 halo □ , inisial PNTL kinur no Marjen azul

Postu 2: **Ajente Prinsipál**

-Deskrisaun: fundu azul eskuru, Diviza kinur liña 2 halo □ , inisial PNTL kinur no Marjen azul

Postu3: **Ajente** Deskrisaun: fundu azul eskuru, Diviza kinur liña 1 halo □ , inisial PNTL kinur no Marjen azul

ANEKSU VII

Insígnia (ne'ebé artigu 49U refere)

A. Kategoria: Ofisiál Superior

Totál Postu: 4

Postu 1: **Komisáriu**

Deskrisaun: Fundu metan, Estrela kór osan mean ho ponta 5, Aifunan kór osan mean ho Espada metan, Neli no kabas kór osan mean,- Inisial PNTL

Postu 2: **Superintendente Chefe**

Deskrisaun: Fundu metan Aifunan kór osan mean ho Espada metan, Neli no kabas kór osan mean,- Marjen kór osan mean – Inisial PNTL

Postu 3: **Superintendente**

Deskrisaun: Fundu metan Aifunan kór mutin 2, Aifunan osan mean ho Espada metan ho inisial PNTL

Postu 4: **Superintendente Asistente**

Deskrisaun: Fundu metan, Aifunan mutin ida, Aifunan kór kinur /osan mean ho Espada metan ho inisial PNTL

B. Kategoria Ofisiál Inspektor

Totál postu: 3

Postu 1: **Inspektor-Xefe –**

Deskrisaun: Fundu Metan,- Diviza kinur risku 3. -Aifunan kór kinur ho Espada metan. -Marjen kór kinur,-Inisial PNTL

Postu 2: **Inspektor**

Deskrisaun: Fundu Metan,- Diviza kinur risku 2. -Aifunan kór kinur ho Espada metan. -Marjen kór kinur,-Inisial PNTL

Postu 3: **Inspektor Asistente**